

Kalbale Ilingile Ukwibukishiwa Cila Bushiku!

Yohane 19:30, “Yesu...atile, Nacipwa.”

Kalbale ilingile ukwibukishiwa cila bushiku. Kabili twalyumfwa ifingi nganshi pa lwa yena, ukubelenga ifingi nganshi palwa yena. Bakashimikila bali shimikila pali yena ukutula pa ntendekelo ya nshita. Bakemba balimba pali yena ukupita munshita. Bakasesema bali landila kabela palwa yena imyaka amakana yane ilyo tacila citika (*Amalumbo 22:1-18; Esaya 50:6; 53:1-12*), kabili **bakasesema babuno bushiku** basontelega kunuma ilyo cena cacitike. **Bwena bwaba bushiku ubukankala nganshi.**

Bwena bwaba bumo pa nshiku ishikankala nganshi isha nshiku shonse isho Lesa atala ukusanikila pe sonde.

Nga ubu ubushiku bwaba ubukankala nganshi, bumo **pa nshiku ishikalamba nganshi.** Leken i fwe **tulolekeshe pa fintu fitatu ifya pusana ifyo bulya bushiku bwapilibwile kuli ifwe.** Ifwe kuti twasenda imyanda. Lelo nsalile fye ifintu fitatu ifya pusana ifikankala ifyo tulefwaya ukulolekeshapo pa nshita iinono iilekonkapo, ifyo Kalbale ya pilibwile kuli ifwe. Kabili **ndepepa ukutila yalaebaula umubembu onse uulipo, calalenga uwa mushilo onse ukuba pa makufi yakwe, cilya calenga umuntu onse umulwele ukukusha icitetekelo cakwe kuli Lesa no kwenda ukuya aba undapwa, umubembu onse ukupusushiwa, uwa bwelela inuma onse ukubwelelamo no kumfwa insoni umwine, kabili uwa mushilo onse ukusangalala no kwikatilila cipya cipya ne subilo lipya.**

Cimo icikalamba icintu icikankala ico Kalbale ipilibula kuli ifwe kabili ne sonde caba **lyena lyapwishishe ilipusho lya lubembu umuku walimo** (*1 Yohane 3:9;5:18*). Umuntu asangilwe no mulandu wa lubembu, kabili ulubembu lwali ukukandwa uko umuntu nangu umu tengalipila (*Abena Roma 3:23-27*). Ukukandwa kwali ukukalamba nganshi mpaka takwali nangu umu uwingalipila ukukandwa. Mucine ndecetekela ukutila Lesa asontelega cena ulya musango, icakutila ukukandwa ku kesaba ukukalamba

nganshi icakutila takuli umuntu uwingalipila kwena, **e ico Ena acicita cena Umwine** (Esaya 53:45; Abahebere 2:14-16).

Nomba, **ukukandwa kwa lubembu kwali nimfwa** (Abena Roma 6:23). Kabili ifwe bonse twa fyalilwe mu lubembu, abapangwa mu mampulu, ukwisa pe sonde uku bepa ubufi (Esaya 64:6; Abena Roma 3:4; Amalumbo 116:11). **E ico kanshi, takwali nangu umo uwa muli ifwe uwali uwayana**, nangula bena tekuti basange nangu umo pesonde uwali uwalinga (Ukusokolola 5:1-5).

Kabili ulubembu talwa tendeke pe sonde. **Ulubembu lwa tendekele mu mulu. Lucifer, kasebanya, ali icibumbwa ica e baulwa pakukana nakila kwa kwe ilyo ena tala sangwa pesonde.** Ulubembu lwa tendeke mu mulu, **uko Lesa abikile bamalaika kabili na fimbipo pa mulingo umo wine uo Ena abikilepo ifibumbwa fya bantunse.** Umuti wa Mweo, kabili no muti wakwishiba, uko umuntu engakwata ukusala kwa kwe (Ukutendeka 2:15-17). **Kabili ilyo Lucifer apelwe intanshi ukukwata ukusala kwakwe, ena alefwaya icintu cimo icawamisha ukucila ico Lesa akwete. Cilya e catendeki ubwafya** (Esaya 14:12-15; Esekiele 28:11-17).

Icakupalilapo, natufwaye ifyo bulya bushiku bwapilibwile. Ica cibili, ifwe tulingile ukumona ifyo bulya bushiku bwa tucitile ifwe. Nomba, **ica citatu, lekeni tulolekeshe pa fyo tulingile ukucita kuli bulya bushiku, ifyo ifwe tulingile ukucita.**

Intanshi, ifwe tulingile ukulolekesha muli bwena, pantu bwena bushiku ubukalamba, **ubukalamba nganshi pa nshiku shonse. Umutengo wa lubembu wali lipilwe. Amaka yakwa satana yali onawilwe** (Abena Kolose 2:13-15; Ukutendeka 3:15). Kabili nomba, ifwe tule fwaya ukumona ifyo tulingile ukucita mumbwekesha.

Nomba, mukubwekesha, nili lya ilyo Yesu afwile pa Kalbale, pa Kalbale bulya bushiku **Ena talipile fye umutengo pa membu shesu, lelo Ena nacimbi alipile umutengo nokupanga inshila pakutila twinga konka Wene** (Abahebere 10:19-23). Pantu ifwe, nga Adamuu uwawa uyo uwalubulwa, ngefyo Umupashi watungulwile Adamuu, Adamuu wantanshi, ku Mupashi uyo wakwete ubutungulushi pafya cifyalilwa fyonse... (1 Abena Korinti 15:45-50). Lyena ifwe, umuntu uwa pesonde twalilubulwa na Kristu ukufuma pa bushiku bwa pa Kalbale, **kuti twakonka Wene.**

Filya efyo Kalbale ipilibula kuli imwe; pa **musebo ukalamba** (Esaya 35:8)-yaiswilwe bulya bushiku kuli imwe.

Nomba, **ilyo Ena afwile pa Kalbale, Ena apangile inshila. Ena alekeleko Umupashi, Mupashi wa Mushilo uyo uwaishilebwesha pe**

sonde pa mulandu wa imwe na ine ukwikalilako (Luka 24:48-49). Filya efyo Kalbale ipilibula kuli ifwe uku konka Wene.

Icakubalilapo, lolekesheni muli yena. **Moneni ifyo yena yatucitile ifwe, kabili nomba finshi ifyo tulingile ukucita pa mulandu wa yena.** Finshi ifyo imwe na ine tulingile ukucita? Nomba, ifwe tusosa, “Cisuma, nde tasha cilya. Cilya cisuma nganshi.” **Lelo ifwe tulingile ukusumina cena. Kabili ukusumina cena caba ukusumina Ubuntu Bwakwe, Kristu, mu mutima wesu (Yohane 1:12-13;17:3). Lyena ifwe tuli bantungwa kulu bembu (Abena Roma 8:1-2). E ico kanshi, takuli ifikakilo ifya lubembu ukulebela pali ifwe nakalya. Kwati fye tatwatala bembukapo... (Abena Roma 6:15-18; Abena Galatia 3:13).**

Ilambo ilya pwililika lya tulengele ifwe abapwililika (Abahebere 10:10, 14). Pantu Yesu atile “Beni abapwililika, nge fyo Shinwe wa mu mulu aba uwa pwililika.” (Mateo 5:48). Lyena takuli na cimbi ica kucitwa, lelo twalilengwa aba pwililika mu Mulola wakwa Lesa.

Nomba, palya epo tulufya icifulo cesu. Nga ifwe tatulemona, ifwe tuleesha ukulolekesha kunuma ku fyo ifwe twali; kabili ilyo lyonse ilyo tulolekesha kunuma kufyo ifwe twali, ilambo talipilibula nangu cimo kuli ifwe. Owe, bushe tamulemona cena, mwe lukuta? Ine teti njeshe umulimo; teti ncite, kabili nangula imwe tekuti. Tapali umulandu uwa kwesha. Imwe mwali luba ica kwambilapo, ilyo lyonse mulelolekesha kufyo mwacita. Lelo mwilolekesha kufyo mwacita, lolekesheni ifyo bulya bushiku pa Kalbale bwa mucitile imwe.

Bwalipile umutengo wenu (1 Petro 1:18-20). Bwali pwishishe ilipusho. Imembu shenu nangu shibe ishakashika, shili isha buta nge mfula iyabuta; ishakashika ngo ku kashika cee, ishabuta nga masako ya mpaanga (Esaya 1:18). **Lyena tamu kwete ulubembu. Imwe muli abapwililika ukwabula ulubembu. Temulandu ifyo mwacita atemwa ifyo mucita, imwe nalyo line tamukwete ulubembu. Ilyo lyonse ilyo mwapokelela Yesu Kristu nga Kapususha wenu, imembu shenu shalekelelwa. Icintu icili conse ico icalekelelwa cila fumishiwapo no ku labwako (Yeremiya 31:34b).**

Lyena ni finshi ifyo cicita? Cila mupela imwe, panuma ya ilya imibele, **Umupashi Wakwe ukukonka Wene kabili no kucita nge fyo Ena acitile, kuli bambi abo abalekonka.**

Ena ali fye Umwaume umo, Umwaume uwapwililika. Ena apele ubumi Bwakwe, **kabili Ena apele icilangililo kuli imwe.**

Nomba, ni finshi ifyo tulingile ukucita. Nomba, icintu cakubalilapo ndefwaya ukusosa nici: yesu tatalile ikalila umwine. Ubumi Bwakwe bwabomfiwe pali bambi. Kulya e kupwililika Umweo wa Muyayaya.

Ilyo mwatila mulaya ku calici kabili imwe mulacita ifintu ifisuma, cilya cili fye bwino. **Lelo ilyo mwaikalila ubumi bwenu kuli imwe mweka, imwe tamukwete Umweo wa Muyayaya. Umweo wa Muyayaya waba ukwikalila bambi** (2 Abena Korinti 5: 14-15; Mateo 25:31-40).

Cena cashininkishiwe ilyo Ena aishile mu mwana wa Mpaanga wa kwa Lesa (Yohane 1:29). Ena aikele kabili alikwete Umweo wa Muyayaya, **pantu Ena taikalile Umwine. Ena aikalile bambi. Kabili imwe mulapokelela Umweo wa Muyayaya pa kupokelela bulya bushiku, kabili imwe tamuikalila mwe bene nakabili. Imwe mulekalila bambi** (Abena Roma 14:7-8).

Umo muntu atile, “Musangonshi iwe wingeminina no kuleka uuli onse uku kwita amashina ayabipa ayamusango ifi?” imwe tamuikalila mwebene. **Imwe mulekalila bambi pakutila mwingalubula ulya muntu** (1 Yohane 5:16). **Imwe mulesa mukuba abana.** Kabili ubwafya bwacena bwaba ukutila ulukuta lwalilabako ukutila bena bali bana. Imwe muli bana (Abena Galatia 4:6-7). **Imwe mulasenda icifulo cakwa Kristu** (11 Abena Korinti 5:20). **Imwe muli bana; e ico mwilaikalila mwebene; ikalileni bambi.**

“Cisuma, munyina Branham, ine kuti naikalila uyu munyina pantu ena mucine muntu umusuma.” Cilya teco. **Ikalileni ulya umuntu uwamipata.** Ikalileni ulya muntu uwinga mwipaya nga kuti bacita. Filya eflyo bacitile kuli Wene. Bena bali mwipeye Wene, **kabili Ena afwile pakutila Ena enga pususha bena. Ulya e Mweo wa Muyayaya. Ilyo mwakwata cilya mu cifuba cenu, imwe mulelelela ku mulu lyena.** Lelo mulatula ifintu fyenu mwebene, filekeleniko nge fyo impaanga ipela amasako yaiko. Imwe lolekesheni ukutonta fye ku Kalbale.

Nomba, moneni, imilimo iikalamba yali no kukwata amaka mu lukuta, te kundapa fye abalwele kwi pepo, ukutamfya ifiwa kwi pepo, **lelo ukupela Umweo wa Muyayaya ku ba cetekela** (Yohane 14:12). **Mupashi wa Mushilo wali nokwisa no kupela mu minwe ya lukuta ukupela umweo. Owe, filya eflyo Kalbale yapilibwile.** [1]

Ilyo Kacema Mukalamba apuminwe, kacema Mukalamba- kasesema ilyo Ena apuminwe kunuma kulya, Atile, “Nacipwa!” (Yohane 19:30). Kabili ilya miniti, lilya line fye ilyo uyu Kacema apuminwe, cali pwile. **Ulubembu lwali pwishiwe, takwali nakabili ulubembu. Bena bali abasanguluka, uku kandwa kwali lipilwe. Aba cetekela abo amashina yabo ya lembelwe mwi Buku ilya Mweo, ukulingilwa libela ukutula ilyo umufula we sonde taulalengwa, lwali pwishiwe ilya ine miniti ilyo Yesu asosele nacipwishiwa.** Ena, ulya Kacema Mukalamba, aishile ku mpaanga

Shakwe (*Yohane 10:14-18*). **Cali pwishiwe**, ukuboko kwa kwa Lesa kwafumine mu cifuba cakwe, ukupumwa. Lyena pe Pasaka Ena abweseshwe bwena mu mubili, ali ubushishe nakabili pa cifuba Cakwe, no kuleta kuli imwe naine, **mu musango wa Cebo Cakwe, ukutulubula ifwe uku bwelela kwi bala ilya ntendekelo uko ulubembu lwatufumishe**. Inkama iyafiswa iya mutima Wakwe ukalamba yasokolwelwe kuli kasesema-kacema. Yali sokolwelwe kuli Kacema, Kasesema-kacema.

Umulandu wine impili shatolweke no kubilikisha pali bulya bushiku. E mulandu wine akasuba kafishile icinso cakako no ku welesha kunsansa (*Mateo 27:45-53*). E mulandu wine ifya cifyalilwa fyonse fyali fulungene; umwela wa tenkenye ifimuti mpaka fyali tenkene no ku tenkana, no kusangalala, no kutoloka. Fyena fyali mwene Kasesema-kacema, pa lupili, **alubwile ishina lyonse pe Buku Iya Mweo**. Kabili bena balimwene ukutila icifyalilwa cabo abene calilubwilwe! Bali weleshe, no kutoloka. Kabili isonde Iyaile mu cinkunkuma. Kabili impili shalilepwike, nefi mabwe fyali kunkulwike. Kabili akasuba kali shimine. Kabili ifintu fyonse fyali citike. Nga filya ukulongana ukuli konse, ilyo Kacema asokolola kuli imwe ukutila “nacipwa!” [2]

Ilyo Lesa alolekeshe panshi pa mubili...Umupashi wafumine pali Wene, mwi Bala ilya Gethsimane. **Ena alingile ukufwa, umuntu** (*Yohane 19:25-30*). **Ibukisheni, mwefibusa. Ena talingile ukucita cilya. Ulya ali ni Lesa. Lesa asubile ulya umubili, uyo uwali umubili wa buntunse** (*Abena Roma 8:3-4*). Nga Ena alile kulya nga Lesa, Ena nga tafwile imfwa ya ulya musango; teti bepaye Lesa. **Lelo Ena talingile ukucita cena. Lelo, ibukisheni, Ena aile kulya pamo naimwe muli Wene**. Mwamona, **Lesa ali talapatulula Nabwinga ukufuma kuli Shibwinga, nakalya E ico ilyo Lesa alolekeshe panshi pa mubili wa kwa Kristu, Ena amwene bonse babili umwaume no mwanakashi. Bonse balilubwilwe muli ulya umubili umo**. Mwamona? Bena bali umo, cimo cine, cebo cimo cine. **Cebo cimo cine, icalandile pali Shibwinga, cilanda pali Nabwinga!**

Cisuma, musangonshi Nabwinga engesa, nokufilwa ukulangisha ifintu fyonse ifyo ifyalaiwe kuli Wene; kabili **Shibwinga alishile, kabili Ena tekuti abe Nabwinga?** Lelo ilyo Ena acitile ifintu fyonse, nangula ukushininkisha cena pakuimya Umwine ukufuma kubafwa, panuma, kanshi bushe Nabwinga talingile ukucita icintu cimo cine, alingile ukuba filya fine ifyo Icebo cisosa Wene akaba muli ishi nshiku shakulekelesha? Bushe Wene talingile ukubwelela kuli Malaki 4? Bushe Wene talingile ukumonekela nge fyo cali mu nshiku sha Sodomu? Bushe isonde talilingile

ukuba fye filya fine fye nge fyo lyena lyaba? Bushe ifi fintu te cilangisho icapwililika ica Cebo cakwa Lesa ukulenga ukwishibikwa kuli ifwe?

Lelo Lesa alimwene kabela Nabwinga muli Shibwinga. Aleluya! **Mwamona, ukupususha Umukashi Wakwe, nga filya Adamuu, Ena aile pamo na Wene. Adamuu alishibe ifyo ena alecita; Efa taishibe ifyo alecita, lelo Adamuu aile pamo no mukashi wakwe. Mwamona? Kabili Yesu asendele icifulo ica Mukashi Wakwe kabili aishileba ulubembu pa mulandu wa Ena. Ibukisheni, Ena aishileba imwe. Ena aiminine uku kandwa kwenu, pakutula imwe mwingeminina mu cifulo Cakwe. Ena aiminine mu cifulo cenu, pakutula mwingeminina mu cifulo Cakwe.** Ifyo kwaba ukutemwa! Ifyo lyaba isenge! Musangonshi twingalikana lyena? Musangonshi twingacita icintu icili conse kano ukutemwa Wene, we cibusa? [3]

Umwakumona:

[1] “Bulya Bushiku pa Kalbale’ (60-0925), par. 40, 43-45, 76-88, 112,129

[2] “Mulandunshi Cabelele Ba Kacema” (64-1221), par. 181-182

[3] “Nimukutula Kwa Kasuba” (65-0418M), par. 241-245